

www.BibleForChildren.org



Mõhtûlühăhtûsa 6




Mənia ka nda cau mənana à giləi
amur Nuhu andə bala male ka.
Nuhu ka nggea məbealboarna
na aban ʔakuli; atà abwana
mənana a nza male ka, kə yì na
do male pək jik ka. Nuhu kpata

njar mala ʔakuli. ʔakuli

peləki ka,
caubikea marəkina
banza kàngkàng,
acemənana koyan a

banza ka anjar
male kidikina
nə bealbikea.



Bakuli pələa ne Nuhu ama, <<Mə ndo mə nə
twalta bwapəndəa kat, acemənana banza
lümse nə caukpaka. Məsəcau ka, mə nə
kidiki bwapəndəa andə banza.>>




<<We ka gballî bamur rəò nggea-waru nə
nggun gofa, sə wu lanzə bāləi andə nzəmi
nə myang məcandəe mənana mùr pà nè
sùr kàm raka. Kasəki akurəm abaləi.>>



Ani sə awu nə gballi
warunì: Sauwa male ka,
kusəu gbəman-ine nə
lumi-tongno (450).

Tangja
male ka


kusəu
lumi-tongno-nong-bari
bwamdə tongno (75).
Sə dāh'rya male ka,
kusəu lumi-ine
bwamdə-tongno na (45).



<<Awu nə ram koya ulang
girlina ma'wun, sə mala
agirkusəu, mana nə
karəban kat ka.>>




Awu nə yinə koya ulang girkusəu bari-bari: jamne andə mə'nggaule, atò a waru, ace mənana wu amsəia ka.



Twal koya girkuseu mēnana mēboarne
na ace girlina ka, jamne
tongno-nong-bari sē mamēne
tongno-nong-bari, wu yinēia
atō aba nggea-warū.




Dəm ngga twal bari-bari atà koya
girkusəu mənana gır'beami na ace girlina
ka, koməye ka jamne andə
maməna, bəà kütí atò a waru.





Yì andə māmí, andə
amuni andə amālia, à kùtí
aba nggea-waru ace
apî mùr-gùla.





Aba pələa
mənana Nuhu lùmsənà pələa
gbəman-tongno-nong-mwashat
(600) nēi a banza, a lum bwamdə
tongno-nong-ɓaria pwari mala ɓaria
zongŋo ka, akun atūli-mùr mənana
atà nzali kat ka à mēngia, sə mbulo
bun nē bumkuli kpana-kpana.





Mbulo nya aba banza twal nongho
lumi-ine, du ande pwari.

Mùr long nə lo ana kpana-kpana
amúr banza kat, waru kə kyal
nəmurei amúr mùr.




Mùr camarə lo gandəa kya kongsə ankono mə'dāh'rike
kat mala koya ban a banza. Koya gír mana kə lin'ueo
sə do a banza man ngga, tē twal kat.





Anzəm anongño lumi-ine
ka, Nuhu mən fongəran
mənana pè arə nggea-waru
ka, pələa tasə gang'lang bə
puro. Anzəm mənə bəti ka,
Nuhu tasə kutu bə kya səni
ko mür sonzəna, nza
sangna.



Aba lumi-bari bwamdə tongno-nong baria (27) pwari
mala baria zongŋo ka, banza iməna kat! Pələa Bakuli
ne Nuhu ama, <<Wu pùrrî bá waru, we
sə māmó, sə amunio andə
amālia.>>



Pələa Nuhu bakkî Mətalabangno gyangnan; twal atà
koya girkusəu andə
nyal mənana
aməboarne na ace
girlina ka, pana gir'nkila
mala pisəe kəring nəia
amur gyangnan.





Bakuli nyare na
ama, <<Mənia ka
nda gîr'ləmdəa
mala kùrcau mənia ən
nggə kùrì a nrem səm
sənəa wun andə koya gîr
mana nəyiləmu atà wun ngga,

kùrcau mana nda ace
anza mənana à kə yiu
peatu ka: Ən tsénggə̀nà
npāring abalə apərbang.
Nda gîr'ləmdəa mem mala
kùrcau a nrem andə
banza ka.>>





Bè nda aya
pwari sè ən sulə
apərbang amur
banza, sè npāring
pusərəi abalə apərbang
ngga, mə nə dənyi nə
kūrcau mem mənīa ən pangnə

wun andə koya
ambalang agir mənana à
ndanə yiləmu ka. Nggea
mūr-gùla pa nə nyare
nə twalta yiləmu dəm
dàng.

Bakuli tsəki Nuhu andə
amuni bu sə nea wia ama: Wu bəla,
wu hatəki, wu lùmsə banza.

Amuna-burana mala Nuhu mana à
purî bá waru ka à nda ka Shem,
andə Ham sə Jafet.



Ham bəl muna-bwabura
lùlləi ama Kan'ana. Amənia yi
amuna-burana mala Nuhu tərú ka,
à nda à yi bəl bwapəndəa kat mana
à mesə a koya ban a banza ka.



Bakuli ka earce banza kèrkér, sè yi
pâ kè Muna male mwashat ace
mənana bwa mana kat pà bamúri a
baní ka bè kəa kídiki bè uebà dāng,
bè kum yiləmu mənana málá
male pà kām raka.



Amə Roma 3:23 Acemənana koyan ngga pànggèná caubikea, səm kat ka səm gattì doboarbwa mala ʔakuli.

Amə Roma 6:23 Tangnakusə caubikea ka, lú na, sə boro mala ʔakuli ka, nda yiləmu mənana málá male pà kəm raka, nə bu Kərəsti Yesu Mətala səm.

Amə Ibəru 9:27 Sə kəla mənana à tsènggèná ama bwa nè wu kusə mwashat, sə anzəm man ngga nè came a badəm bashi ka,

Amə Afisu 2:8,9 ʔwamuru mala ʔakuli nda amsə wun ngga, nə pabamuru ma'wun a baní. Mənia ka, pě ma'wun na dāng, boro mala ʔakuli na, pà ace atúró dāng, ace mani ka, kəbwa bə kəa nggori dāng.



Amə Roma 10:9,10 ʔè awu nə bang nə kúno ama, <<Yesu ka Mətalabangno na,>> sə a nə earnəi nə məsəcau a babumo ama ʔakuli loasəi a bembə ka, a nə kum amsəban. Acemənana nə babum sə bwa nə eare nə pà bamúri aban Kərəsti, sə aba pǝ anggo ka ʔakuli angnəni mə'cauboarna na; sə dəm ngga nə kûn sə bwa nə bang pabamuru male aban Kərəsti, sə aba pǝ anggo ka kuməna amsəban.

Yohana 3:16,17 <<ʔakuli ka earce banza kèrkér, sə yi pà kè Muna male mwashat ace mənana bwa mana kat pà bamúri a baní ka bə kəa kidi kidi bə uebà dāng, bə kum yiləmu mənana málá male pà kəm raka. ʔakuli tasə Muni bə yì bashì banza dāng, tasəi bə yì amsə banza.>>



Genesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Mbula Bwazza Bible (mbu) ©2022 The Seed Company

<https://www.bible.com/en-GB/bible/4399/GEN.1.MBU>

©2026 Bible for Children, Inc.

www.M1914.org

www.bibleforchildren.org

